



www.javnarasprava.ba | info@javnarasprava.ba | Kontakt telefon +387(0)33618461

Sarajevo, 2. 6. 2021.
Univerzitet “Džemal Bijedić” u Mostaru
Pravni fakultet

Poštovani/a,

Udruženje građana “Zašto ne”, u saradnji sa slovenačkim institutom “Danes je nov dan”, razvilo je napredni alat pomoću kojeg se građani i građanke vrlo jednostavno mogu informisati o radu Parlamentarne skupštine Bosne i Hercegovine. Riječ je o web platformi **Parlametar BiH**. Mi vas kontaktiramo sa željom da predstavimo ovaj alat studentima/cama, profesorima/cama, široj akademskoj zajednici i svima kojima to može koristiti u radu, te da vam, potpuno besplatno, stavimo na raspolaganje kako podatke koje prikupljamo tako i svu našu ekspertizu kada je u pitanju analiziranje zakonodavnih procedura i akata.

Cilj Parlametra BiH jeste da cjelokupan proces donošenja odluka u najvažnijem zakonodavnom tijelu u BiH učini transparentnijim, kako bi zainteresovana javnost (istraživači/ce, naučnici/e, studenti/ce, programeri/ke, analitičari/ke, novinari/ke, političari/ke, ali i građani/ke) imala bolji uvid u to kako se donose odluke u njihovo ime. Parlametar BiH prati sjednice, legislativu, prisutnost na glasanjima, zastupnička i delegatska pitanja i inicijative, govore na sjednicama, izgovorene riječi, neslaganja s klubom, tzv. stranačke “preletače” i dr.

Više podataka možete pronaći ovdje:

- Parlametar BiH: <https://ba.parlameter.si/>
- Javna rasprava (web platforma na kojoj su, ako se registrujete kao korisnik/ca, dostupni svi zakoni i materijali koji se razmatraju u najvišem bh. zakonodavnom tijelu): <https://www.javnarasprava.ba/bih/JavnaRasprava>)
- Facebook: <https://www.facebook.com/javnarasprava>

Početkom naredne akademske godine planiramo održati tematske radionice o Parlametru sa studentima/cama na nekoliko univerziteta u BiH, te ovaj dopis smatrajte svojevrsnim inicijalnim pozivom. Također, pozivamo sve studente/ice Pravnog fakulteta da nam se jave tokom ljetne pauze na e-mail info@javnarasprava.ba, te da budu naši gosti u Udruženju, upoznaju se sa procesima rada, svim našim online alatima, projektima, istraživanjima, publikacijama i sl.

Nadalje, pozivamo ih da budu dio naše kampanje “Studenti pitaju parlamentarce/ke”, odnosno da snime ili pisano postave svoja pitanja državnim parlamentarima/kama.

Studenti/ce koji žele pisanim putem postaviti pitanja, mogu to učiniti na našoj web stranici (<https://www.javnaraspava.ba/bih/Parlamentarci>), a oni koji žele snimiti svoja pitanja, mogu nam svoje video-snimke dostaviti na e-mail adresu (info@javnaraspava.ba), pa ćemo ih mi proslijediti parlamentarima/kama. Naša namjera je da sakupimo sva ta pitanja - i insistiramo na odgovorima. Konačno, ukoliko studenti/ce imaju ideje za inicijative koje su u nadležnosti državnog parlamenta, spremni smo takve inicijative putem naših ambasadora-državnih parlamentaraca/ki dostaviti u Parlamentarnu skupštinu BiH da se o njima očituju u ovoj instituciji.

Nadamo se da ćete vi i vaši studenti/ce prepoznati važnost ove web platforme, da ćete je koristiti, te da ćete nam se što skorije javiti sa pitanjima, inicijativama i prijedlozima. U svakom slučaju stojimovam u potpunosti na raspolaganju za eventualnu pomoć oko korištenja Parlametra.

Na kraju vas molimo i da nam, za našu internu evidenciju, dostavite ime i prezime profesora/ice koji/a je sa studentima/cama razgovarao o ovom dopisu, njegov/njen e-mail kontakt, predmet/katedru, te broj studenata/ica koji slušaju naznačeno predavanje (nema potrebe dostavljati imena).

Zahvaljujemo se na prilici da predstavimo našu web platformu, i radujemo se eventualnoj saradnji.

U.G. "Zašto ne" bavi se stvaranjem sigurnog, zdravog, aktivnog, efikasnog i odgovornog bh. društva u cjelini, kako u smislu predstavnika/ca vlasti, tako i u smislu građana/ki i civilnog društva, a sve kroz promociju i uspostavu mehanizama političke odgovornosti, jačanje i izgradnju građanskog aktivizma, te korištenje novih medija i tehnologija.

Razvoj Parlametra BiH omogućio je Google Digital News Initiative Innovation Fond, a razvio ga je slovenački institut "Danes je nov dan". Finansijsku podršku osigurala je američka fondacija National Endowment for Democracy (NED).

S poštovanjem,

Tel/Fax: 033 618 461

Mob: 062 319 992

Web: <https://ba.parlameter.si>

E-mail: info@javnaraspava.ba

Facebook: <https://www.facebook.com/javnaraspava/>

ZaštoNe 